

Magazinimi Doganor

Neni 240

Në përputhje me Titullin IV, Kreu 2, Seksioni 3C të Kodit, ky Kre përcakton dispozitat për zbatimin e regjimit të magazinimit doganor.

Neni 241

Magazinat doganore në të cilat mallrat vendosen nën regjimin e magazinimit doganor klasifikohen si më poshtë:

- a) *tipi A:* magazina publike për përdorim nga cdo person, me qëllim magazinimin e mallrave nën përgjegjesinë e administratorit të magazinës;
- b) *tipi B:* magazina publike për përdorim nga cdo person për magazinimin e mallrave nën përgjegjesinë e cdo depozituesi, sipas nenit 125 (1) të Kodit, duke patur parasysh nenin 128 (2) të Kodit;
- c) *tipi C:* magazina private të destinuar vetëm për magazinimin e mallrave nga administratori i magazinës, kur ky i fundit dhe depozituesi janë i njëjti person, por jo domosdoshmërisht pronari i mallrave;
- d) *tipi E:* magazina private, të destinuar vetëm për magazinimin e mallrave nga administratori i magazinës, kur ky i fundit dhe depozituesi janë i njëjti person por jo domosdoshmërisht pronar i mallrave, sipas një sistemi që lejon magazinimin e mallrave në ambientet e magazinimit që i përkasin mbajtësit të autorizimit, por ku mallrat mund të vendosen nën regjimin e magazinimit doganor pa u ruajtur në një magazinë doganore;
- e) *tipi F:* magazina publike për përdorim nga cdo person për magazinimin e mallrave, dhe që administrohet nga autoritetet doganore.

Një ambient nuk mund të jetë më shumë se një lloj magazine doganore në të njëjtën kohë.

Neni 242

1. Me përjashtim të magazinave të tipit E dhe tipit F, magazina doganore duhet të përbëhet nga ambiente të miratuara nga Drejtoria e Përgjithshme e Doganave.

2. Në rastet kur autoritetet doganore vendosin të administrojnë një magazinë të tipit F, ato caktojnë ambientet apo vendin që përbën magazinën. Vendimi botohet në formën e zakonshme që perdoret nga Drejtoria e Përgjithshme e Doganave për botimin e akteve nënligjore ose administrative të saj.

3. Një ambient i miratuar nga autoritetet doganore si “ambient magazinimi i përkohshëm” ose që administrohet nga autoritetet doganore mund të miratohet gjithashtu si magazinë e tipit A, tipit B ose tipit C ose mund të administrohet si magazinë e tipit F.

Neni 243

Magazinat e tipit C mund të miratohen edhe magazinat për sendet ushqimore për përdorim në bordin e mjeteve të transportit ose *duty free shops*.

Neni 244

Në rastet kur legjislacioni në fuqi parashikon zbatimin e masave të politikave tregtare për:

- a) vendosjen e mallrave në qarkullim të lirë, këto masa nuk zbatohen për mallrat e vendosura nën regjimin e magazinimit doganor, për sa kohë mallrat mbeten nën këtë regjim;
- b) hyrjen e mallrave në territorin doganor të Republikës së Shqipërisë, këto masa zbatohen vetëm kur mallrat jo-shqiptare janë vendosur nën regjimin e magazinimit doganor;
- c) eksportimin e mallrave, këto masa zbatohen kur mallrat shqiptare eksportohen nga territori doganor i Republikës së Shqipërisë pasi janë vënë nën regjimin e magazinimit doganor.

Neni 245

Dispozitat që lidhen me autorizimin zbatohen për të gjitha tipet e magazinave, përjashtuar tipin F.

Neni 246

Kërkesa për autorizim, në përputhje me Aneksin 26, dorëzohet pranë zyrës doganore që ka kompetencë në territorin ku ndodhen ambientet ose, në rastin e një magazine të tipit E, pranë

zyrës doganore që ka kompetencë në teritorin ku mbahen librat kontabël themelorë të administratorit të magazinës. Këto autoritete, brenda dy javëve nga data në të cilën është dorëzuar kërkesa, e dërgojnë atë në Drejtorinë e Përgjithshme të Doganave, së bashku me mendimin e tyre me shkrim lidhur me lëshimin e autorizimit.

Neni 247

1. Autorizimi mund të lëshohet vetëm nëse kërkuksi tregon se ekziston një nevojë e reale ekonomike për magazinim dhe nëse magazina në fjalë kërkohet kryesisht për magazinim mallrash; megjithatë, mallrat mund t'u nenshtrohen formave të zakonshme të perpunimit, perpunimit aktiv ose perpunimit nën kontroll doganor në kushtet e pershkruara në nenin 129 dhe 132 të Kodit, me kusht që të tilla perpunime të mos mbizoterojnë mbi magazinimin e mallrave.
2. Pa rënë ndesh me miratimin e magazinave të tipit C, magazinë furnizimi ose *duty free shops*, nuk lejohet shitja me pakice në ambientet e magazines, në mjediset e ruajtjes ose në ndonjë vend tjetër të përcaktuar si magazinë doganore.

Neni 248

1. Autorizimet lëshohen nga Drejtoria e Përgjithshme e Doganave, me përjashtim të *duty free shops* të cilët miratohen nga Ministri i Financave në përputhje me nenin 199 të kodit. Autorizimet hyjnë në fuqi në datën e lëshimit ose në një datë të mevonshme kur autorizimi lejon një gjë të tillë. Autorizimet duhet të behen në formën e pershkruar në Aneksin 31.
2. Për marrjen e një autorizimi për një magazinë doganore kërkohet dhënja e një garancie. Shuma e garancisë që depozitohet në asnjë rast nuk duhet të jete më e vogël se 4 milion Leke. Nuk kërkohet dhënia e garancisë, kur magazinat doganore janë të tipit F ose kur administrohen nga vetë shteti shqiptar apo autoritete publike shqiptare. Garancia duhet të depozitohet përpara se të jepet autorizimi. Në këtë rast zbatohet neni 207(2) i Kodit.
3. Administratori i magazines duhet të përmbushë të gjitha kushtet dhe rregullat e përcaktuara në autorizim në lidhje me kontrollin doganor, çlirimin e mallrave, regjistrat e magazinimit të mallrave, dhe dispozita të tjera. Në rast se administratori i magazinës nuk përmbush të gjitha këto kushte, kjo gjë sjell heqjen e menjëherëshme të autorizimit dhe të gjithë mallrave të ruajtura në këtë magazinë duhet t'u caktohet menjëherë një destinacion doganor.
4. Një nga kushtet që duhet të përmbushë administratori i magazinës do të jetë sigurimi për autoritetet doganore i zyrës së nevojshme për punë pa ndonjë shpenzim për ta. Këto lehtësira duhet të perputhen me një standard të caktuar nga Drejtoria e Përgjithshme e Doganave.
5. Për çdo autorizim paguhet një shumë shërbimi prej 200.000 Leke për çdo periudhë 12 mujore, për të mbuluar shpenzimet administrative të autoriteteve doganore.
6. Pa rënë ndesh me rregullat mbi anulimin, revokimin dhe ndryshimin e autorizimeve, ato janë të vlefshme për një afat kohor të pakufizuar.
7. Autorizimi duhet të përcaktojë zyrën doganore përgjegjëse për mbikqyrjen e magazines doganore. Në rastet e magazinave private, autorizimi mund të përcaktojë gjithashtu kategorinë e mallrave të cilat lejohen të hyjnë në këtë magazinë.
8. Në rastet kur personi i interesuar kërkon leje për të paraqitur mallra ose i deklaron ato për regjim pranë një zyre të ndryshme nga zyra mbikqyrese, Drejtoria e Përgjithshme e Doganave mund të autorizojë një ose më shumë zyra për të vepruar si zyrë(a) për vendosjen nën regjimin doganor.

Neni 249

1. Konsiderohet se kriteri ekonomik i nevojshëm ka pushuar se ekzistuar, kur personi i interesuar kërkon me shkrim revokimin e autorizimit.
2. Gjithashtu, autorizimi mund të revokohet kur Drejtoria e Përgjithshme e Doganave gjykon se magazina doganore nuk perdoret në masën e mjaftueshme për të justifikuar egzistencën e saj.

Neni 250

Për qëllim të nenit 251 deri 255, "furnizime" do të thotë mallrat e marra në bordin e anijeve dhe mjeteve ajrore për përdorim në bord apo për shitje udhëtarëve dhe ekuipazhit në bordin e këtyre mjeteve.

Neni 251

1. *Magazinë furnizimi* do të thotë një magazinë e tipit C, e përdorur për magazinimin e furnizimeve për anijet dhe mjetet ajrore.
2. Magazina e furnizimit shërben vetëm për magazinimin e mallrave jo-shqiptare dhe mallrave shqiptare të pataksueshëm që përdoren për:
 - a) furnizim ose pajisje të anijeve dhe mjeteve ajrore në trafik nderkombetar;
 - b) shitje në *duty free shops*;
 - c) shitje të mallrave jo-shqiptare personave të cilët gëzojnë të drejta, privilegje dhe imunitete siç parashikohet nga Konventa e Vjenës e vitit 1961 për Marrëdhëniet Diplomatike, Konventa e Vjenës e 24 Prill 1963 për Marrëdhëniet Konsullore, apo Konventa e New York e 16 Dhjetorit 1969 për Misionet e Veçanta;

Neni 252

Lejohet magazinimi në një magazinë furnizimi i:

- a) mallrave jo-shqiptare të llojeve si vijon:
 - i) furnizime, përfshi pijet alkoolike e të tjera,
 - ii) duhan dhe produkte të duhanit,
 - iii) cokollata dhe embelsira të tjera,
 - iv) parfume, produkte kozmetike dhe kolonja,
 - v) pajisje për përdorim personal të llojit që normalisht mbahet me vete, p.sh kollare, shall, ore, bizhuteri, lapsa dhe çakmak,
 - vi) mallra që përdoren për pajisjen e anijeve dhe mjeteve ajrore;
- b) mallra shqiptare të pataksueshëm të llojeve të mëposhtem:
 - i) furnizime, përfshi pijet alkoolike e të tjera,
 - ii) duhan dhe produkte të duhanit,
 - iii) cokollata dhe embelsira të tjera,
 - iv) parfume, produkte kozmetike dhe kolonja,
 - v) pajisje për përdorim personal të llojit që normalisht mbahet me vete, p.sh kollare, shall, ore, bizhuteri, lapsa dhe çakmak,
 - vi) mallra që përdoren për pajisjen e anijeve dhe mjeteve ajrore.

Neni 253

'*Duty free shop*' do të thotë një magazinë doganore të tipit C, të përdorur për magazinimin e furnizimeve për t'iu shitur mallra udhëtarëve që largohen nga territori doganor i Republikës së Shqipërisë.

Neni 254

Lejohet të magazinohen në një *duty free shop*:

- a) mallra jo-shqiptare të llojit të mëposhtem:
 - i) pije alkoolike, vere dhe birra,
 - ii) duhan dhe produkte të duhanit,
 - iii) cokollata dhe embelsira të tjera,
 - iv) parfume, prodhime kozmetike dhe kolonje,
 - v) pajisje për përdorim personal të llojit që normalisht mbahet me vete, p.sh kollare, shall, ore, bizhuteri, lapsa dhe çakmak,
 - vi) punime artizanale dhe suvenire.
- b) mallra shqiptare të pataksueshëm të llojit të mëposhtem:
 - i) pije alkoolike, verë dhe birra,
 - ii) duhan dhe produkte të duhanit,
 - iii) çokollata dhe embelsira të tjera,
 - iv) parfume, prodhime kozmetike dhe kolonjë,

- v) pajisje për përdorim personal të llojit që normalisht mbahet me vete, p.sh kollare, shall, ore, bizhuteri, lapsa dhe çakmak,
- vi) punime artizanale dhe suvenire.

Neni 255

1. *Duty free shops* mund t'u shesin mallra vetem udhetareve që largohen nga territori doganor i Republikës së Shqipërisë. Pijet alkoolike, vera dhe birra mund t'u shitet vetëm personave mbi 18 vjeç. Cigaret mund t'u shiten vetëm personave mbi 15 vjeç.
2. Në përputhje me nenet 156 dhe 158 nuk paraqitet asnjë deklaratë eksporti për mallrat që largohen nga *duty free shops*.

Neni 256

1. Mallrat që duhet te vendosen nën regjimin e magazinimit doganor dhe deklarata përkatëse për vendosjen e mallrave nën këtë regjim, paraqiten pranë zyres mbikqyrese.
2. Për mallrat shqiptare që hyjnë në një *duty free shop* duhet të paraqitet një deklaratë në përputhje me nenet nga 121 deri 161. Deklara duhet të paraqitet në zyrën mbikqyrese.
3. Kur hyrja e mallrave shqiptare në një *duty free shop* ka nevojë të vërtetohet, autoritetet doganore mbikqyrese të *duty free shop* mund të firmosin dhe vulosin faturën e mallrave nëse një gjë e tillë i kërkohet nga personi i interesuar.

Neni 257

Deklarata për vendosjen nën regjimin e magazinimit doganor bëhet në përputhje me nenet 121 deri 161.

Neni 258

Deklarata duhet të zbatohet gjithashtu edhe për transferimin e mallrave nga një vend që është njëkohesisht ambient magazinimi i perkohshëm dhe magazinë doganore.

Neni 259

1. Në magazinat e tipit A, tipit C dhe tipit E, autoritetet doganore autorizojnë administratorin e magazinës të mbajë regjistrat e magazinimit të cilave i referohet neni 128 i Kodit. Regjistrat e magazinimit vihen në dispozicion të zyrës doganore mbikqyrese për të mundësuar kryejën e kontrolleve prej saj.
2. Për magazinat e tipit B, zyra mbikqyrese ruan deklaratat e vendosjes nën regjim, në mënyrë që të mbikqyrë mbylljen e tij. Në këto magazina nuk mbahen regjistra magazinimi. Në rastet kur brenda afatit kufi mallrave të treguara në deklarate nuk u është caktuar një destinacion doganor, zyra mbikqyresë kërkon që mallrave t'u caktohet ky destinacion doganor ose deklarata fillestare për vendosjen e mallrave nën një regjim doganor të zëvendësohet me një deklaratë të re duke riprodhuar të gjitha hollësitë e deklaratës së vjetër.
3. Në magazinat e tipit F, gjithë informacioni mbi mallrat mbahet në regjistrat e doganore. Këto regjistra zëvendësojnë regjistrat e magazinimit të mallit sipas nenit 128 të Kodit.

Neni 260

Me përjashtim të magazinave të tipit F, zyra mbikqyrese nuk mban regjistra magazinimi të mallit. Megjithatë, për qëllime administrative ajo mund të mbajë një regjistër të të gjithë deklaratave të pranuar.

Neni 261

Regjistrat e magazinimit të përmendura në nenin 105 të Kodit duhet të përmbajne gjithë hollësitë që nevojiten për zbatimin e duhur dhe mbikqyrjen regjimit. Ato duhet të përmbajne:

- a) të dhenat e përfshira në kutitë 1, 31, 37 dhe 38 të deklaratës për venien e mallrave në regjim;
- b) referencat e deklaratave nepermjet të cilave mallrave u është caktuar një destinacion doganor duke mbyllur regjimin e magazinimit doganor;
- c) datën dhe referencat e dokumenteve të tjera doganore dhe cdo dokumenti tjetër që ka lidhje me vendosjen në regjim dhe mbylljen e tij;
- d) të dhenat që mundësojnë mbikqyrjen e mallrave, përfshi vendodhjen e tyre dhe hollësira mbi ndonjë transferim mallrash mes magazinave doganore;
- e) të dhenat lidhur me magazinimin e përbashkët të mallrave shqiptare dhe jo-shqiptare;

- f) ndonjë detaj tjetër që mund të nevojitet për identifikimin e mallrave;
- g) të dhënat lidhur me format e zakonshme të trajtimit të cilit mallrat mund t'i nënshtrohen;
- h) të dhëna lidhur me zhvendosjen e perkohshme të mallrave nga ambientet e magazinës doganore.

2. Regjistrat e magazinimit duhet të pasqyrojnë në çdo kohë gjendjen e vertete të mallrave që ndodhen ende nën regjimin e magazinimit doganor. Brenda afatit të vendosur nga autoritetet doganore, administratori i magazinës duhet të depozitojë në zyrën mbikqyrese një listë të gjendjes së mallrave të magazinuara.

3. Në rastet kur zbatohet neni 135 (2) i Kodit në regjistrin e magazinimit duhet të shënohet vlera doganore e mallrave para trajtimit.

Neni 262

1. Mallrat e vendosura nën regjimin e magazinimit doganor në magazina të tipit A ose tipit C, shenohen në regjistrat e magazines në përputhje me nenin 130 të Kodit, në kohën që ato fizikisht futen në magazinën doganore, mbi bazën e të dhënave të njohura apo pranuar nga zyra mbikqyrese.

2. Kur mallrat janë vendosur nën regjim në një magazinë të tipit E, regjistrimi në magazinë i përmendur në paragrafin 1 bëhet në kohën kur ato mbërrin pranë ambienteve të magazinimit.

3. Kur magazina doganore shërben gjithashtu si ambient për magazinim të përkohshëm, regjistrimi në regjistrin e magazinës i përmendur në paragrafin 1 bëhet në kohën kur mallrat cilrohen në vijim të depozitimit të deklarates për vendosjen e mallrave nën regjimin e magazinimit doganor.

4. Të dhënat e vecanta që lidhen me mbylljen e regjimit duhet të regjistrohen në regjistrin e magazinës në kohën kur mallrat janë cilruar në vijim të paraqitjes së deklaratës që i cakton atyre një destinacion doganor.

Neni 263

Format e zakonshme të trajtimit përmendur në nenin 132 (2) të Kodit përshkruhen në Aneksin 36.

Neni 264

1. Personi i interesuar duhet t'i kerkojë rast-pas-rasti zyres mbikqyrese me shkrim autorizim për kryerjen e formave të zakonshme të trajtimit përpara kryerjes së tij.

2. Kërkesa e autorizimit për kryerjen e formave të zakonshme të përpunimit duhet të japë gjithë hollësitë e nevojshme. Kur kërkesa miratohet, zyra mbikqyrese jep autorizimin me anë të nëshkrimit dhe vulosjes së kërkesës. Kërkesat, anekset dhe autorizimi mbahen për të paktën tre vjet nga mbarimi i vitit në të cilin është pranuar kërkesa.

3. Autorizimi për administrimin e një magazine doganore përcakton format e zakonshme të trajtimit të cilat priten të kryhen nën regjimin doganor. Në këtë rast, kërkesa zëvendësohet me njoftimin lidhur me kryerjen e përpunimit.

Neni 265

1. Me kusht që të mos cenohet funksionimi normal, zyra mbikqyrese mund të lejojë ruajtjen e mallrave shqiptare dhe jo-shqiptare në të njëjtin ambient magazinimi. Megjithatë, nuk lejohet që të magazinohen së bashku me mallrat jo shqiptare mallrat shqiptare të mëposhtëme:

- a) pije alkoolike, verë dhe birra;
- b) duhan dhe produkte duhani,

me përjashtim të magazinave të furzimit dhe *duty free shop*.

2. Kur magazinimi i përbashkët i mallrave, përmendur në paragrafin 1, bën të pamundur identifikimin në çdo kohë të statusit doganor të çdo lloji malli, ky magazinim lejohet vetëm në qoftë se mallrat janë të barazvlefshëm. Mallra të barazvlefshme janë ato mallra të cilat futen në të njëjtin nen në Nomenklaturën së Kombinuar, që kanë të njëjtat cilësi tregtare dhe të njëjtat karakteristika teknike.

Neni 266

1. Përpara se të zhvendose perkohësisht mallrat nga ambientet e magazines doganore, personi i interesuar duhet të bejë, rast pas rasti, kërkesë me shkrim pranë zyres mbikqyrese për

te kryer një veprim te tille.

2. Kërkesat per autorizim per zhvendosjen e përkohshme të mallrave duhet te permbajne te gjitha hollesite që nevojiten per zbatimin e dispozitave që rregullojne regjimin e magazinimit doganor. Në rast se kërkesa miratohet, zyra mbikqyrese lëshon autorizimin duke konfirmuar pranimin e kërkesës duke e nënshkruar dhe vulosur atë. Kërkesat, anekset dhe autorizimi mbahen të paktën tre vjet nga mbarimi i vitit në të cilin është dhënë autorizimi.

3. Autorizimi për administrimin e një magazine doganore mund te percaktoje që mallrat mund të zhvendosen përkohesisht. Ne këtë rast, kërkesa zevendesohet me njoftimin e zyrës mbikqyrese për zhvendosjen e përkohshme te mallrave.

Neni 267

1. Për të transferuar mallra midis magazinave doganore pa ndërprerë regjimin e magazinimit doganor, dokumenti DAV, përdoret sipas procedurës së përshkruar ne Aneksin 37.

2. Per mallrat e transferuara mes magazinave, pergjegjesia i kalon administratorit te magazines doganore ne te cilen do te vendosen mallrat, ne castin kur merr ne dorezim mallrat dhe i shenon ato ne regjistrin e magazines.

3. Kur mallrat per t'u transferuar kane kaluar neper format e zakonshme te trajtimit dhe kur zbatohet neni 135 (2) i Kodit, dokumenti DAV per vendosjen ne magazine përfshin llojin, vlerën doganore dhe sasinë e mallrave të transferuar.

4. Nuk lejohet transferimi i mallrave pa kryer me parë mbylljen e regjimit në rast se njëra nga magazinat e përfshira është magazinë e tipit B.

Neni 268

1. Administratori i magazines duhet të bëjë inventare të regullta të të gjithë mallit të ruajtur në magazinë. Inventaret duhet të kryhen të paktën një herë në tre muaj. Zyra mbikqyrese duhet të jetë e pranishme gjatë kryerjes së inventarit. Rezultatet i dërgohen me shkrim zyrës mbikqyrese brenda tre ditëve pas kryerjes së inventarit. Ky nën zbatohet *mutatis mutandis* për magazina të tipit F të administruara nga autoritetet doganore.

2. Procedura e përshkruar në paragrafin 1 zbatohet gjithashtu edhe për magazinat e furnizimit dhe *duty free shops*, me të vetmin përjashtim që inventarët duhet të kryhen një herë në muaj.

Neni 269

1. Kur magazinohen bashkarisht mallra të barazvlefshëm, mallrat e deklaruar per një destinacion doganor mund te konsiderohen ose mallra shqiptare ose jo-shqiptare, ne varësi të zgjedhjes së personit të interesuar. Zbatimi i rregullit mësipërm, në asnjë rast nuk duhet të sjelle si pasoje dhenien e një statusi doganor te caktuar një sasië mallrash me te madhe se sasia që ka ne fakt këtë status, e cila ruhet në magazinën doganore kur mallrat e deklaruar për një destinacion doganor zhvendosen.

2. Në rastet e shkaterrimit te plote apo humbjes së pakthyeshme të mallrave, pjesa e mallrave që vendosen nën regjim dhe që është shkatërruar apo ka humbur përcaktohet në përpjestim me sasinë e mallrave të të njëjtit lloj që ndodhen nën regjim në ambientet e magazinës doganore në kohën kur ka ndodhur shkatërrimi apo humbja, përveç kur administratori i magazinës është në gjendje te paraqese prova mbi sasinë e vërtetë të mallrave nën regjim që u shkatërruan apo humben.

Neni 270

1. Në rastet kur autoritetet doganore kërkojnë që mallrat shqiptare të cilat ruhen në ambientet e një magazinë doganore të shënohen në regjistrin e magazinës, ky veprim duhet të qartësojë statusin e tyre doganor.

2. Pa rënë ndesh me mallrat e barazvlefshem, zyra mbikqyrese mund të përcaktoje metoda të vecanta për identifikimin e mallrave shqiptare, kryesisht me qëllim dallimin e tyre nga mallrat jo-shqiptare që janë vënë nën regjimin e magazinimit doganor në të njëjtat ambiente.

3. Mallrat e përmendur në paragrafin 1 mund të përdoren për forma të zakonshme trajtimi, përpunim aktiv apo përpunim nën kontrollin doganor.

Neni 271

Drejtoria e Përgjithshme e doganave mund të përcaktoje udhëzime për zbatimin praktik të regjimit të magazinimit doganor.

